





S. VIII. 33.



1  
THRENODIÆ  
BEATIS MANIBVS  
*Viri Honestissimi ac integerrimi*

38  
Dn. LUCÆ WENDII,  
CIVIS, MERCATORIS ET ARO-  
MATARII APVD SEDINENSES SENI-  
ORIS AC PRIMARI.

*Mense April. 17. hor. 12. N. ex hoc mun-  
di Prochoropheo ulceratissimo. Et tristissi-  
mo in latissimum ac calesce <sup>πολύποια</sup> pie  
translati, Et ejusdem Mensis Die 23.  
pompâ, ut fas est, honorificâ ac lu-  
gubri tumultu recondendi.*

Ab  
Amicis, Ducalis Pædagogij, quod STETINI flo-  
ret, alumnis honorificè oblata.


ETEOMHNOHMEPOETIXON

oCtaVVs bls & VnVs Aprilis Vblâ XereLV Cer,  
VVenDiVs (heV!) Dirâ toLLit Vrâ LaChesl,  
P. P.

STETINI, Typis NICOLAI BARTHOLDI.



Mors certa est, incerta dies, ho-  
ra agnita nulli,  
Postremam quare quamlibet  
esse puta.



CIP.




I.  
CIPPVS LITERARIUS

**L**UCAS hic gelidâ recubat tumulatus in urnâ  
**V**VENDIUS, insignis vir, pietatis  
 amans;  
**V**ir prudens, justus, annis & rebus abundans,  
 V ir dignus Patris nomine, dignus a vi.  
**C**onfessus Mercatorum primarius ille  
 Extitit, & Senior non sine laude bonâ.  
**A**egris auxilium, miseris solamina præbens,  
 Nullis afflictis defuit ipse ope. (hinc jam,  
**S**umpsit aquam vitæ ex VERBO, dum vixit: &  
 D ante Deo, vitæ perpetis haurit aquam.

taxo Ulami honoris gratiâ erectus

â Petro Pezenichio Sterino-Pom.



II.  
LUCAS VVENDT.  
 per Anag.  
 VULNUS CEDAT.  
 Defunctus loquitur.

**V**ULNUS CEDAT atrox curarum, felle gravatum,  
 Mundum dolore decoquens.

A 2


Ecce



Ecce ego lætitijs jam plenus, in arce suprema  
 Vitam perennem transigo,  
 VULNUS CEDAT item, subito, pede, cordis acerbum  
 Mordaxq; conscientia.  
 Ecce ego tranquilla in cordis mentisq; quiete  
 Vivo per omne seculum.  
 Ergo curarum VULNUS quid inurere damni  
 Mihi queat, sum nescius:  
 Dum mea nunc animi vivit constantia in amplò  
 Cælestium consortiò.  
 Quidve nocere queat vulnus, non sentio, cordis,  
 Mezq; conscientia:  
 Dum sincera quies animi, mentisq; voluptas  
 Me cum beatis totum habet.  
 Hinc de lætitiâ tantâ, tantâq; quiete  
 Mihi gratulemini Mei.

*Lugens apposuit*

Lucas Lubbecius Schlaviâ Pom.



III.

**T** *Hariades vera fidei ditissimus olim,*  
*Exemplo vitam hanc sat probat esse suo*  
*Hospitum: peregrinantes velut advena adimus,*  
*Atq; viatorum linquimus instar idem.*  
*Is veluti nunquam fundum possedit ut hares*  
*In terra Canaan, sed modò sarcophagum:*

*Sic*



Sic & Adamigena dum mundi in cardine vivunt,  
 Legati capiunt nil, nisi busta cava.  
 Corpus enim solum mandatur partibus orbis,  
 At mens conscendit limina dia poli. ( in quo  
 Ergo nihil vita hac, nisi quoddam est hospitium,  
 Hospes, quod sibi onus, deijcit, & statim abit.  
 Hanc ecquis vitam grave pondus onusq; negabit  
 Mentis? quis quaso hanc ausu id asserere?  
 Idcirco vitam quam primum linquimus, ecce!  
 Quimus arumnas, linquimus omne malum.  
 Linquimus omne malum: quia coeli gaudia pulchra  
 Ingredivimur, desunt quædam mala, nulla Bona.  
 Si volupe est nobis, unum evasisse periculum,  
 Quantum mille, rogo, deseruisse putes?  
 En! mors non unum, non mille pericula tollit;  
 Non unum, dico, cuncta pericula fugat.  
 O igitur nimium felix, qui morte beatâ  
 Donatus, Wendi, deseris omne malum!  
 O nimium felix, Wendi, dum morte beatâ  
 Donatus transis ad pia Regna poli.  
 Transitus hic multum sit felix: Ossa quiescant,  
 Donec cantabit vox inopina tuba.

*Joachimus Müllerus Bernwaldiâ-Pom.*



IV.

Ad Viduam relictam.

**M**œror, continuus labor, dolorq;  
 Infelix, Lachrymæ, gravisq; pugna,

Vita




Vita hæc est; subito ruitq; casus:  
Nil firmi, fragile est bonum, atq; vanum;  
Et vix vita potest vocari: & est flos,  
Qui lætò modicè, & viget serenò  
Vultu, (Regius ut refert Propheta  
David) sed miserè, tepentis aurà  
Austri flante, perit repentè. Homo quin  
Est ut vitrea bulla, quæ per undas  
Turgens conspicitur modò vagari:  
Verùm jam leviter fugit peritq;,  
Dum solvi in tenues videmus auras.  
Eheu! talis homo est! via illiusq;  
vitæ tam variabilis! caduca!  
Ergò cur, Catharina mœsta, grandes  
Volvuntur tua Lachrymæ per ora?  
Carus cum superârît hæc Maritus  
Cuncta, & vivat ovans in arce Sanctùm.  
Illic nulla laboris, & doloris  
Moles; gaudia sed, simul voluptas  
Semper vera viget, fluit perennî  
Sanctæ fonte aqua vitæ, & æviternæ,  
Et Salus, requiesq; sempiterna,  
A Christo reparata quæ beatæ.  
Finem, inquam, facito tuis modumq;  
Lacrymis, videre ne invidere,  
Coeli gaudia, quæ capit, Marito.  
Illis nec cruciâsse Te juvabit  
Pectus: quod variariq; nescit,  
Æquâ mente ferendum; & hi dolores  
Vincendi bonitate Sunt benigni  
Patris. Tu placidam modò quietem  
Concedas, putridâ resurget urnâ  
Donec voce Dei ad beata tempe.

Rest.



Restat comprecere, ut Dei potentis  
Dextra sit Viduæ domus columna.

David Ludovicus à Thansâ Maria-  
burgô-Borussus.



V.

**C** duca vita est, atq; laboribus  
Subjecta multis; Sunt hominum omnia  
Pellucidum enitensq; vitrum,  
Morte cadunt truculentâ & omnes:  
Et sicut agri candida lilia  
Virent, secantur falce sed ilicò:  
Tolluntur enimas ad umbras  
Sic Nece, qui valere, multi.  
Verùm queror quid multa? probant modis  
Desceda multis funera id aspera  
VVENDI, viri pij, probiq;  
Arte in aromaticâ periti.  
Nam mors nigra illi parcere noluit,  
Sed tam citò illum de medio tulit.  
Hinc ejus anxia est Marita,  
Ac Lachrymas, gemitusq; reddit.  
Gnati hinc relictî flent nimium, & pium  
Lugent peraq; mœstitia satis  
Pleni Parentem, falce Clotho  
Quem truculenta Necis necavit.

O dira



O dira Cloïho! pollice qua trabis  
Vitacaduca fila; Necis fera  
Ovis fera! ah dolor! nefanda  
O Lachesis! Furor ô cruentus!  
Accuso sed cur jam celeres ego  
Parcas? quid illa promerita? datus  
Est terminus communis avi.  
Omnibus à Patre providenti.  
Quare querelis & Lachrymis modus  
Sit, sic Jehova dum placuit, cui  
Parere nos omnes oportet,  
Carius hoc nihil expetentes.  
Vi fulget ignes Lucifer excitans  
Aurora in alto, VVENDIVS hand secus  
Incuriâ fulget polari,  
Latitiâ & fruitur perenni.

Ultimi honoris E. F.

Michael Guttwil Fürstberga-Lusatias  
Inferior.

F I N I S.





921116 **Bibliotheca** 105 000  
**P.P. Camaldulensium in Bielany**

Depozyt w Bibliotece Jagiellońskiej



06393

S.VIII.33



